



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. D. Magistri Petri Lombardi Novariensis Episcopi
Parisiensis. Sententiarvm Libri IV. quibus vniuersæ
Theologiæ summa continetur**

Petrus <Lombardus>

Mogvntiæ, 1632

Distinct. V.

urn:nbn:de:hbz:466:1-38829

DE CONVERSIONE ET CONFIRMATIONE STANTIUM, & AUERSIONE & LAPSU CADENTIUM.

DISTINCT. V.

A

POST HÆC CONSIDERATIO ADDUCIT INQUIRERE, quales effecti sint, dum diuiderentur auersione & conuersione. Post creationē namq; mox quidam conuersi sunt ad creatorem suum, quidam auersi. Conuerſi ad Deum, fuit ei charitate adhzrere: auerti, odio habere vel inuidere. Inuidiē nāque mater est superbia: qua voluerunt se parificare Deo. In cōuerſis quasi in speculo relucere cœpit Dei sapientia, qua illuminati sunt: auersi verò excæcati sunt. Ex illi quidem conuersi sunt & illuminati à Deo gratia appoſita. Iſti vero sunt excæcati non immiſſione malitiæ, ſed deſertione gratiæ, à qua deſerti ſunt non ita quod prius dedita ſubtraheretur, ſed quia nunquam eſt appoſita, vt cōuerterentur. Hęc eſt ergo cōuerſio & auerſio, qua diuiſi ſunt, qui natura boni erāt: vt ſunt alii ſupra illud bonum per iuſtitiam boni, alii illo corrupto per culpam mali. Conuerſio iuſtos fecit, & auerſio iniuſtos. Vtraq; fuit voluntatis, & voluntas vtriuſque libertatis.

Quales facti sunt angeli auerſio nec conuerſione cadentium.

Eſai. 14. d.

De libero arbitrio breuiter tangit docens quid ſit. B

HABEBANT. n. omnes liberum arbitrium, quod eſt libera poteſtas, & habitas volūtatis rationalis. Poterant. n. voluntate eligere quodlibet, & ratione iudicare, id eſt, deſcernere: in quibus conſtat liberum arbitrium: creati ſunt volētes auerti vel conuerſi, ſed habiles ad volendum hoc vel illud, & poſt creationem, ſpontanea voluntate alii elegerunt malum, alii bonum: & ita diſcernit Deus lucem à tenebris, ſicut dicit ſcriptura i. bonos angelos à malis, & lucem appellauit diem, noctem verò tenebras: quia bonos angelos gratia ſua illuminauit, malos verò excæcauit.

Geneſ. 1. 5.

V 4

Poſt

Post creationem aliquid datum est stantibus, per quod
conuerterentur: nec merito aliquo, sed gratia
cooperans. C

Si autem quæritur: Vtrum post creationem cō-
uersis aliquid collatū sit per quod cōuerterētur, i.
diligenter Deum? Dicim⁹ quia est eis collata gra-
tia cooperans, sine qua nō potest proficere ratio-
nalis creatura ad meritum vitæ. Cadere .n. potest
per se: sed p̄ficere nō potest sine gratia adiuuante.

Qua gratia indigebat angelus, & qua non. D

Qua sic gra-
tia operās,
& qua coo-
perans.

Non indigebat angelus gratia, per quam iusti-
ficaretur, quia malus non erat: sed qua ad diligen-
dum Deum perfecte & obediendum adiuuaretur.
Operās quidem gratia dicitur qua iustifica-
tur impi⁹, i. de impio fit pius, de malo bon⁹. Coo-
perans vero gratia, qua iuuatur ad beneuolēdum
efficaciter, & Deum p̄ omnibus diligendum &
operandum bonum, & ad perseuerandum in bo-
no, & huiusmodi: de quibus postea plenius. Data
est ergo angelis qui perstiterūt, cooperans gratia,
per quam conuersi sunt vt Deum perfecte dilige-
rent. Conuersi ergo sunt à bono quod habebant,
non perditō ad maius bonum quod non habe-
bant: & facta est ista conuersio per gratiam coope-
rantem lib. arbitrio, quæ gratia aliis, qui cecide-
runt appōita non fuit.

An sit imputandum illis qui auersi sunt. E

Ideoque à quibusdam dici solet, non esse im-
putandum illis qui auersi sunt & conuersi, quia si-
ne gratia conuerti non poterant: sed illa non est
eis data, nec culpa illorum fuit, q̄ nō est data, quia
in eis nulla culpa adhuc p̄cesserat. Ad quod dici
potest, quoniā quib⁹ appōita est ipsa gratia, non
fuit ex meritis eorum, alioquin iam nō esset gra-
tia, si ex merito quod esset ante gratiam, daretur.

Qua culpa gratia non est data eis qui ceciderunt. F
Quod vero aliis nō est data, culpa eorū fuit: q̄ cū
stare

stare possent, noluerunt quousque gratia apponeretur: sicut alii perstiterunt, donec illis cadentibus per superbiam eis gratia apposita est. Apertè ergo cadentium culpa in hoc deprehendi potest: quia sine gratia nequirent proficere quam nondum acceperant: per id tamen quod eis collatum erat in creatione, poterant non cadere, id est, stare: quia nihil erat quod ad casum eos compelleret, sed sua spontanea voluntate declinauerunt, quod si non fecissent, quod datum est aliis, utique daretur & istis.

Quod angeli in ipsa confirmatione beati fuerunt: sed utrum eam meruerint per gratiam tunc sibi datam ambiguum est: de hoc enim diuersi diuersa sentiunt.

sa sentiunt.

G

Hic quæri solet: Vtrum in ipsa confirmatione beati fuerint angeli: & an ipsam beatitudinem aliquo modo meruerint. Quod in ipsa confirmatione beati fuerint, plures contestantur auctoritates, & ideo pro constanter habendum est: Vtrum vero per gratiam tunc sibi datam ipsam beatitudinem meruerint, ambiguum est. Quibusdam enim placet quod eam meruerint per gratiam, quam in confirmatione perceperunt, simulque in eis meritum & præmium fuisse dicunt: nec meritum præcessisse præmium tempore sed causa. Aliis autem videtur quod beatitudinē quam receperunt in confirmatione per gratiam tunc appositam non meruerint, dicentes tunc non fuisse eis collatam gratiam ad merendum, sed ad bene viuendum: nec tunc eis datum esse bonum quo mererentur, sed quo feliciter fruerentur. Quod autem tunc in præmium acceperunt, per obsequia nobis exhibita, ex Dei obedientia & reuerentia mereri dicunt: & ita præmium præcessit merita: & hoc mihi magis placere

Hic non tenetur.

fateor.

V 5

QVOD